

選擇傳弘定疑鈔 四

093.1	年
2001	月
4	日

佛教大學圖書館

0013061623





選擇傳弘決疑鈔卷第四

沙門良忠述

第一深心中有五。一二者深心者先牒經文。二言深心者即是深信之心也者。釋深心躰。三亦有二種。下至決定得生。略解機法二種。信心四。又深心下至踈雜之行也。廣解機法二種。信心五。故名深心者。結也。或於第一信無別義故。更無廣釋。就第二信有略廣兩釋。是故就人就行。並廣釋第二信也。第三解躰中言深信者。當本願信樂故。尔信謂忍許樂。謂愛樂。愛是信功。

故云信樂但有寬狹信緣四諦愛緣滅道令信
淨土亦是愛樂如論文云愛樂佛法味所言愛
樂亦非染汙愛問前後二心不置深名何局第
二名深心耶答疑心易起信心難成謂別行人
多破往生爲之失信疑怯心起便從輪迴是大
失故別置深言誠其狐疑凡深心者不爲四重
破人所動亂破壞以此分齊名爲深心前後二
心不爲破人所動亂者依信心功故不云深三
略解中文自爲二第一信機第二信法問信身

罪惡有何要耶答諸教之中未有此信唯在瑩
心性珠以顯本有理今則不尔先信願我機分
無出離緣次信佛願以攝此機若無第一知機
信者第二信心猶難決定所以者何纔唱六字
往生淨土當知斯類匪直也人或是相似三賢
菩薩或是宿習深厚衆生於罪惡者爭乘本願
直生淨土心生怯弱可疑本願爲除此疑建立
二種信心謂本願中十方衆生即是今時善惡
凡夫顧其機則罪惡凡夫仰其誓亦十念名號

機法相應。宛如函蓋。信知決定往生。指掌不信。不行。即我等。猶在生死。非佛咎也。抑衆生無始恒居三道。於中誰無一毫種類。但以衆生無始以來。唯流妄河。故局已分。於人天中。隨生納福。今聞佛願。正化罪惡。乃信往生。貧窮富貴。下智高才。持戒破戒。皆乘彌陀本願業力。順次得生。高妙報土。難行易行。二道。聖道淨土。二門。出離生死。將期何法。唯恨衆生。猶懷狐疑。重受苦果。莫論彼佛攝與不攝。全由專心信與不信也。

常沒常流轉者。言常沒者。局於三途。言流轉者。通於六道。若沒若流。久在生死。故名爲常。無有等者。衆生善根未訖。本願報在三界。不至淨土。是故即云。無有出離之緣。其實非無本善。故禮讚云。善根薄少。蓋其意也。問觀念法門云。佛三種願力。以爲外緣。至誠等三心。以爲內因。何得云無。答。勝願院云。彼約解義門。謂感果法。必由因緣故。今約勸化門。謂若自思有內因者。信佛心弱。故爲偏信他力佛願。於自身者。全無因緣。

唯信佛願欣求往生住斯念時信力強盛正託
佛願方得往生即是此宗出離故實是勸化門
也。又彼觀念門一往解義今文再往真實解義
所以然者一切淨土不論報化皆屬依他況彼
極樂判報土故凡夫修善何得往生凡夫所修
不出偏計々々之心何成生因今云無緣真實
解義門也。今云無有等者釋信心相此信心爲
內因佛三力爲外緣故兩處釋不相違也依三
經信三佛中決定深信等者即依壽觀彌陀三

經如次方信彌陀釋迦六方三佛斯三佛同勸
凡夫往生故謂五劫思惟偏於苦者十六觀門
亦化常沒六方證誠專在名號設雖十惡何隔
引接設雖一念何生疑心四廣解中文亦爲二
一又深信者下至就人立信也明就人立信即
廣解上第一信心也二次就行下至踈雜之行
也明就行立信即廣解上第二信心也先就就
人立信中有四一又深信下至真佛弟子摠結
前三經信相二又一切下至大益也別就觀經

明可信佛語三又深心下至其事也。正施問答。釋去疑情立決定信。四此名下結也。初結前中。不顧身命者。輕於身命。名為不顧。斯有二類。若其上機。頓捨身命。如傳中云。或投身高嶺。或委命深泉。或自墮高枝。焚身供養者。略聞四遠。向百餘人。上。已。若其劣機。不能頓捨。纔生意樂。臨命終時。一向不顧身命財也。木賢云。後學菩薩。於身命財。全捨與之。初心菩薩。不能當時施與。而應發願。上。聖道尚尔。况淨土乎。捨行去者。三經

之說大同少異。如木經中捨三毒五惡。令行三善五戒。又捨諸行。令行念佛。即三輩中一向專念是也。如觀經中捨九方淨土。偏令樂西方。又捨亂想。及以小心。破戒不孝。并惡逆心。令行定善。及以大乘持戒孝順。迴心念佛。又捨定散。令行念佛。即付屬文云。持無量壽佛名是也。弥陀經中捨小善根。令行念佛。此乃隨所化機。宜致使有同異也。凡言去者。令去火宅。三經全同也。教意願者。如次釋迦說教證誠佛意。彌陀佛願。

即是結前三經意也。即以斯三隨順。各直佛弟子也。二別就觀經信佛語中。正習二障者。正使障理。感生死果。作侵害事。如賊害人。佛慧明照。大夢云々。覺焉。習氣障事。迷一切境。致覆障事。如睡昧心。聖智一起。朗然大悟焉。三就問答有二。一問。此當聖道之覺見。多是攝論家義耳。二答。正是淨土之信相。即唯觀經本意也。時處機別者。如來教旨。必待時處。機緣亦異。設半蒲教。豈可得言華嚴專大。而於佛法中都無小乘。又

不可判阿含專小。而於佛教中。揔無大乘也。今亦如是。彼則對斷證之機。為令昇進上位。且約自力門說。凡夫不入報土。今則對常沒之機。為令往生西方。且約他力門。明凡夫能入報土也。佛意如是。行者何諍矣。次舉四重破人。而說決定信相。所以為四重者。別解別行。流轉凡夫。故為一重。三賢二乘。人空自在。故為一重。初地十地。俱證法空。故為一重。化佛報佛。悲智果圓。故為一重也。問後三重破人。說不生者。三賢人等

實執斯義耶。答。只是假令釋也。為速他破。更設
假難。尚顯信相也。何依佛化。成賢聖人。還謗佛
語。即云。虛妄故。文云。若實是菩薩者。眾不違佛
教也。云。專心念佛。及修餘善者。即下文。中稱名
正行。斯名念佛。自餘諸行。此名餘善也。答。佛破
中有二。一云道理。二云文證。言道理者。謂一佛
一切佛。此道同之理也。釋迦既說。凡夫往生。諸
佛何謗淨土。一門。即我雖聞。下至一佛所化之
文是也。凡三世十方。諸佛大悲同躰。故皆為怯

弱之機。偏勸易行之法也。言文證者。謂即彌陀
經之證誠也。即引二文。初能說教法之文。次所
說念佛之文也。前佛制斷等者。此文既引。止惡
修善。諸佛道同。用况凡夫。修念定生。當知諸佛
法同。釋迦皆說。定散及以念佛定生淨土。凡以
惡業為出離因。亦以善根為地獄因。無有是處
今亦如是。諸佛太慈。勸歸淨土。若其虛妄。無有
是處。十惡破戒。五逆謗法。臨終迴心。利那即生
最上頓教。不敢孤疑。逆謗猶生。况其餘乎。一念

猶攝。况常念乎。十善順六度者。恐以七支為第一度。以不慳貪為第一度。以不嗔恚為第二度。以不邪見為後三度。次教證中。惡時等者。斯舉五濁。但加惡世界。而闕命濁。短命之因。在見惱。二濁。故攝見惱。更不別舉。次惡世界者。摠舉娑婆穢惡國土也。罪福多小等者。雖引彌陀經。而念佛同。故用觀經。意同於此經耳。上盡百年者。准釋迦在世人壽百歲。即指一期言百年也。就人立立信者。此有二義。如傳遍記已上就人立信。次

就行立信之文。此集抽出為第二篇。若欲見者。續斯讀之。第三迴向發願心文中。有四。一三者迴向發願心者。先牒經文。二言迴向。下至故名迴向發願心也。摠釋第三心。三又迴向。下至故名迴向發願心。廣以深信守護得生心。四又言迴向者。下至亦名迴向也。略釋還想迴向心。第二摠釋第三心相中。過去今生等者。問准華嚴經。聚集三世一切善根。迴向菩提。今文何除未來善根。答。過現善根。造業決定。其相麁著感果。

力強故淨土三經一論皆迴已造善根故由斯
文理故迴過現善根也彼經中說三世一念圓融
道理故為令未來善根生長故集三世善迴三
菩提也此經不然對有相機說隔歷法各據一
義並不相違世出世善根者問世間人天少善
應住其果報云何言迴生淨土業耶答群疑論
云問云若本期心生天受戒垂至終日願生西
方即將先所受戒無作功德招淨土報如何復
能感阿僧祇之命根也釋行者本雖受戒願生

天中後遇勝緣願生淨土行雖劣弱以後願強
資前戒品轉增殊勝與佛願合壽命遐長上又
文句四云問人天少善應往果報云何言皆已
成佛道答此應明三佛性義本經云復有佛性
善根人有闡提人無者即是人天少善信頭舉
手乃至昔方便未開謂往果報今開方便行即
是緣因佛性能趣菩提成顯實之義也上已記云
三佛性者過去微善願智所割咸趣菩提本焰
向空理趣咸滅水流趣海法亦無停但由願智

未資便封果報。故待今開方是緣因。若捷能化意
何待此開。苟順凡情。立以近稱。今開近報。法界
本如。豈由凡情。局彼流焰。關中雖立善。不受報而
不明善。躰本融。但衆生無始。唯流妄河。凡所修
習。未掌不俱。不受報言。為從誰立。若約已發心
者。乃由願行所引。何關善不受耶。未發心來隨
生納福。此善豈制。令不受耶。故知不受之言。善
躰無力。應知曾酬者。其因已謝。未酬者。毫善不
亡。若曾發心。如水寄海。酬局因者。如菓酬華。故

今於彼未酬之因。開其局情。及曾趣向權乘道
者。以一實觀一大弘願。躰之導之。至問。若尔何
故。本論云。童子戲沙等。謂發菩提心。行菩薩行
者。所作善根。能證菩提。非諸凡夫。及決定性聲
聞。未發心者。之所能得。答。斯乃從開說之。非語
本善。故知定性。及現未發。縱有宿善。如恒沙。終
無自成菩提之理。故云。非其能得。若未開項。則
往已成。非今若被開。則宿作成。已故知善躰本
妙。隨執者心。是故開心。宿善咸遂。若心蕪境妙。

但開其心。如以相心持法華經。若開法華一句
一偈等。若境兼心妙境已隨轉。不須論開。若俱
兼者。須心境俱開。故知善射本妙。由迴向爲
生因。况復託佛願。致使世善爲往業乎。隨喜他
善者。問隨喜他善。於自無功。何成往業。答。因果
經云。若有貧窮人。無財可布施。見他修施時。而
生隨喜心。隨喜之福報。與施等無異。上有云。此
等文自愛尤深。願求往生之行者。發願已後。空
憑昔所修。或隨喜他所修。偏以之備。已行雖不

可有之。假令其身不堪起行。其心欣求往生之
時。解釋不假令。文理有實者。唯願心切。要行業
無不足者也。以此自他所修善根等者。釋前二
心具足之上。具迴向心也。心若不真心。若有疑
迴向既弱。發願焉具。第三廣以深心守護得生
心中。大分爲五。一從初至大益也。先標以信資
願可治退心。二問曰。下至多得益也。廣施問答
釋去疑情。以防外邪異見之難。以立決定得生
之想。三又白。下至慶善何極也。借二河白道之

譬勸凡夫往生之法四又一切下至常作此想
勸行者令作斯想五故名迴向發願心者結也
第一以信資願治退心中此心深心由若金剛
者言斯心者指第三心言深信者是第二心也
問上文既解深信已竟何重解之徒費言論答
三心互資成往生益事是大要重舉有在况對
異學為堅其心更出信功耳有云上則聞機法
之信相雖起決定之信心正入第三心實作得
生想之時今一度起疑為生為不生為除斯疑

云此心深信等也斯乃上淺今深也迴顧落道
等者若聞群賊喚聲欲歸東岸故云迴顧從白
道可落故云落道第十二問答中問白等者問今
問答與上深心問答有何差別答先辨文段大
旨可知問答差別謂深心者正信罪惡凡夫即
往生機迴向心者以諸善根迴向往生也故上
問答即難凡夫難生答眾生易往所謂文云一
切罪障凡夫不得往生者云何對治等今此問
答即責一生修福匪入決有緣要行速生所謂

文云云何一生修福念佛即入無漏無生之國
等前約入機後約行因斯乃弥陀別願攝受凡
夫上問頓教一乘一世成就下問其義可知問
雖聞別願頓教道理而業道如秤重者先牽不
知若有重罪障不往生此義如何答聖教盡理
猶致疑礙是汝往生時未熟也既十念滅五逆
汝疑何罪耶十因云若疑宿業者何受難受之
人身又值難值之佛教若有重罪人身猶難何
况佛法若疑現業者造五逆者具足十念滅罪

得往生何况餘業上明闇等者待對譬中具有
五對各合法者且下輩中一聲對十惡一念對
破戒十聲對五逆皆悉滅罪生善命終一念頓
生彼土為顯此義以舉此類於中明闇一對顯
念佛法有滅罪力空地水三對顯念佛法有生
善用火成壞一對顯念佛一法並有滅罪生善
兩益也餘行待對例而可知隨出十門等者八
万四千門門門不備餘門各出生死皆得解脫
然邪人等偏信已行不信淨教故有斯破也若

欲學解等者。解義之時。學一切教。修行之時。必藉一行也。般舟讚云。佛教多門。八万四千。正為衆生機不同。欲覓安身常住處。先求要行。入真門。已。從凡至聖等者。佛教所說。不出凡聖佛果。故云。凡聖等也。若欲學行等者。問滅後衆生。爭知有緣要行。答文云。我所愛。即是我有緣行。汝所愛。即是汝有緣行。已。第三借譬勸往生中。譬如有人等者。此譬喻出涅槃經。二十三并大論等。云。合譬喻中。有不合法。謂百千里。及以水火置

於南北東西百步。二河谷無底邊。白道四五寸等也。若合法者。百千里者。譬十方億刹水火置南北者。唯五行方也。又貪起順境。故在右方。嗔起違境。故在左方。右順左違。故也。言無底者。顯貪嗔有九品。言無邊者。明貪嗔通五部。東西百步者。一期百年也。白道四五寸者。譬小願心。故下合法文云。善心微。故喻如白道。已。到迴等者。聖道難行。名為到迴。餘方淨土。號曰避走。向西可知。迴住去者。迴去如前所言。住者。合欣都率

內院教汝一心正念等者舉第十八願意言汝者十方衆生言一心者至心信樂欲生我國言正念者乃至十念言直來等者若不生者也貪瞋強故等者問流轉還滅依善惡強弱故釋論云諸染法有力諸淨法無力背本下下轉名爲下轉門諸淨法有力諸染法無力向源上上轉名爲上轉門上文理極成何許貪瞋強善心弱者而猶得往生者聖道淨土一門雖同止惡修善聖道門機能治力強滅惑障故方成出離淨

土門機善心雖劣住止惡修善正見而用隨犯隨懺之時本願加力令微妙善以成出離大善故乘本願即生淨土若不尔者本願何要師資决判其義灼然但釋論者偏述自力聖道門意何以異門難異門乎問上文既嫌具貪瞋行而言不可今許貪瞋強猶往生一師所釋何忽相違者上斥虛假意樂貪瞋既闕安心故云不可今舉歷緣對境所起貪瞋安心不闕故有生利所望不同故不相違凡具決定往生心機雖可

非如昔月然檢其實淨心如一兩其餘悉濁亂猶如龍得水以降雨因佛願力速成大善而得往生相傳如斯然世人云他力出離貪嗔無尋斯義令他即住邪見或云願心微小不得往生斯義令他即生怯退此二義俱是不得上人相傳之所致耳嗔嫌燒功德者抑功德勢力非滅善躰也一分二分者譬一二年行群賊等喚迴者即喻別解等者問群賊或合十八界等或合別解惡見人等相違如何答群賊有多類

故不可成相違自造罪退失者若造大罪不懺悔者罪業所惑退往生心願諸行者重罪莫作縱使雖造速可諫誨問既許貪嗔何罪退失答隨截貪嗔此喻水火造罪不悔是為退失願力之道者傳云是行者願也有云和尚常釋言願力者是佛願力喻中白道是行者願故知今文亦行者願也今亦可然問水火波浪汗白道何蹈白道至西岸耶答衆生心法既通三性縱起願心數起貪嗔々々起時願心成就願心起

時貪瞋成就貪瞋雖強由意樂故隨犯隨懺亦起願心由佛本願住持力故臨命終時貪瞋雖具貪瞋不起即離繫縛方得往生也問白道之壁為三心揔壁為第三心別壁答傳云別壁第三心標釋結文無所諍故問既云信順二尊又信東岸勸及西岸招喚豈非深心又云一心直進亦可誠心如何答三心俱起不相離故釋第三心前之二心自出來耳第四勸行者中常作此解等者解謂勝解印可為躡想謂思想取像

為義所謂斯者即指二河白道喻也第五還想迴向中還起大悲等者問唯有往想迴向無還想迴向者可生淨土耶答可余下三品文未說有利他心禮讚但釋往相迴向不釋還想故也問若余何故今釋還想答釋二迴向者約教本意例如第一心標利他真實云次揔結三心通万行中三心既具等者三心之文雖在上品道理應通下八品善是故結云無行不成義亦通被十三定善故云通攝定善之義文在中間令

通上下定散行也。然三心中前後二心及深心中就人立信諸行全同。但於就行立信。眾生宿習不同。執法異故。各就受法。可立其信。問就行立信者。信正定之業。若尔者。何捨正業。信餘行耶。答。今釋且就經本意。立正定業。不遮有隨他機亦信餘法。例如天台於尔前教。雖有兼但對帶之失。而尔前教非無得益。是故本文釋三心中。往往舉諸行以為往生業。所謂至誠心云。一切眾生身口意業所修解行云。深心云。決定深信。

釋迦佛說此觀經三福九品定散二善。證讚彼佛依正二報。使人欣慕。就上就人立信云。專心念佛及修餘善。就行立信云。然行有二種。一者正行。二者雜行。既明餘業生。何着此文。不立其信也。又云迴向得生。明文有之。然或執者。猶存三心局念佛義迴文就義。所立何要。驗其義勢為成餘行不往生義。非但是違上人所立。亦恐背和尚解釋也。般舟讚云。種種方便教門非一。但為我等倒見凡夫。若能依教修行者。則門門見佛。

得生淨土。乃不得輕毀他。有緣之教。行讀自有
 緣之要法。即是自相破壞。諸佛法眼。法眼既滅。
 菩提正道。履足無由。淨土之門。何能得入。佛傷嘆
 云。生盲信業。走隨業墮深坑。縱斯貪嗔火。自損
 損他人。長沒無明海。遇木求無緣。上問。若言三
 心通餘行者。何故禮讚釋。至誠心。偏約正行。又
 解深心。唯云稱名。答。禮讚中局釋。正行三心。故
 也。二禮讚三心中。亦一一略解三心相。二如觀
 經下。讓疏廣說。初中。今信知彌陀本弘誓願。及

稱名號者。言本弘者。約第十八願。言稱名者。約
 衆生行。斯乃並信本願外緣念佛內因也。問疏
 云。四十八願攝受衆生。今何唯云第十八願。答。
 疏文談教相。故通明諸行三心。廣論四十八願。
 禮讚解行儀。故局釋念佛三心。略述第十八願
 也。有云。言本弘者。通四十八願。言稱名者。限第
 十八願也。乃至一念無有疑心者。所謂一念即
 疑心。念謂無有一念疑心也。問後序文云。十聲
 一聲。一念等。今亦上舉十聲。一聲。下云。一念。知

稱名念。答。文相不順。謂隔定得往生之言而言。乃至一念故也。若少一心等者。所言三心同時相應。更不可有具闕不同。然而前加行位。隨行者。根機有具一具二。謂虛假增者。闕至誠心。疑心增者。闕信心。不迴向增者。闕迴向心。約斯義門。而釋具三少一等也。

私云所引三心等事

外現等者。心住名利。捨出離念。姦飾外見。偽示賢善相。令他表知有三業善。故云外現賢善。其

實此人愚惡懈怠。無有真實。故云內懷虛假。是故玄忠。寺嫌外現孝順。內懷不孝。終南山。誠未有戒定現。戒定相。即斯例也。今此集中。曲述內外不調之相。其義可見。翻外蓄內者。祇應備出要者。問。所言賢善。是不實行。何蓄內也。答。只借賢善言也。翻內播外者。亦可足出要者。問。內心虛假。何播外也。答。隱德者。出要也。何不播外也。如止觀七云。當縮德露此。揚狂隱實。密覆金貝。莫令盜見。若遁迹不脫。當一舉萬里。絕域他方。

乃若名利眷屬從外來破壞憶此三術嚙齒忍耐
至。雖千方請確乎難拔護哉隱哉去哉上或翻內
播外等者凡今釋意教安心故以外賢善畜內
可爲出離安心於外相者有左有右方非所勸
故云播外此被万機未必策勵隱德相也云摠
而言之通諸行等者義推正直信心迴向可通
二門理可必然之則三心通聖道文往往是多
維摩起信三心與今三心同異思之又一義云
通諸行法者指定散行在往生行者指念佛行

往生之言雖通諸行題云念佛集次下云往生
之業念佛爲先從本意故是要行故且指念佛
云往生行也問定散九品所具三心有淺深乎
答余也有理有文先理者機有上下心何一品
故受戒時就受戒心立三品別羅漢得下品戒
凡夫得上品戒等凡善惡心各有九品今此三
心何無淺深淺深雖異心躰不別故置一處令
通九品次文者十因引占察經云至心復有下
中上三種差別何等爲三一者一心所謂係想

不亂心住了了。二者勇猛心。所謂專求不懈。不
顧身命。二者深心。所謂與法相應。究竟不退。若
人修習此懺悔法。乃至不得下至心者。終不能
獲清淨善相。以上斯文。合本願至心。又觀念法
門云。根性不同。有上中下。群疑論云。念佛名號。
雖復不殊。由念佛心至誠差別。故今滅罪多少
不同。下品上生。罪業輕薄。死時無惡相。怖心不
極。雖至心念佛。但能滅彼五十億劫生死之罪。
下品中生。地獄猛火一時俱至。罪人忙怖。念佛

至誠。由心徹倒滅除。八十億劫重罪。上文意可
見。祖師云。隨三心淺深。有九品階位。外記。大夫
月。逆修。說法。詢。入道。五。十。又往生大要抄。見三心可有淺深也。問
三心有退乎。云何。答。多分不退。少分有退也。言
不退者。若有勝機發三心時。佛願強引。佛光常
照。聖眾鎮護。專拂退緣。一世之行。時節又短。無
遇退緣。此故不退也。言有退者。斯人軟根也。雖
發三心。若遇違緣。自有退失。既是凡失心也。何
不退乎。故今文云。自造罪退。禮讚前序云。勸行

四修法用策三心五念之行即得往生上已然四
修中有長時修畢命為期誓不中止明知三心
可退失故以長時修而護三心五念之行又臨
終要決其義分明又大經及異譯中明中悔者
彼雖暫退義通未退又本顯藥師經中悔類淨
業先成豈無三心故群疑論退義炳然問禮讚
云蒙光觸者心不退云何會通答就不退機論
多分德若有劣機值緣退者非所遮也祖師在
世有其諍論或云三心不退餘人云退上人意

亦存退義矣問三心有傍正答三心至要有何
傍正但對機時應有傍正謂約虛假增者誠心
為正餘二為傍若約疑心增者深心為正若約
不迴向增者第三為正又取要言之深心為正
以是信心決了凡夫為往生機若具此心二心
自具故二心不介註及安樂集唯立三信不釋
二心信知亦三心中深心為正也問三心何等
心所為躰答後之二心其躰分明謂深心者大
善地法中信也迴向心者本地法中善欲也註

上釋願生偈之願云。願是欲樂義。上已又釋願偈。揔持願云。願名欲樂往生。上已若依娑婆入阿毗達摩正理等者。應云欣為躰第一心躰。古來未決。今私安云。大善中捨也。光法師釋論心所翻云。誦謂誦曲。翻曲即為正直。々々是捨故。品類足論第十二云。捨者身正直心正直也。上已身正直者。五識相應捨也。心正直者意識相應捨也。又引集異門足論十五云。問斯捨何所謂耶。答。心平等性。心正直性。心無警覺性。任運住性。上已又引

入阿毗達摩論云。悟入造心平等性。說名為捨。背非理及向理故。由此勢力令心於理及於非理無向無背。平安而住。如持秤縷。上已又引正理論云。心平等性。說名為捨。上已又唯唯識論當不誑不誦。一種心所。彼無貪癡二分故。論云。何為誑。為獲利譽。矯現有德。詭詐為性。上已具如傳通記。

第九四修法事

言四修者。俱舍論二十七云。一無餘修。福德智慧二種資糧。修無遺故。二長時修。經三大劫阿

僧祇耶修無倦故。三無間修。精進勤勇猛。刹那刹那。修無廢故。四尊重修。恭敬所學。無所顧惜。修無慢故。又攝大乘釋論八云。論曰。由無量無數百千俱佉大劫中。依數數修習。釋曰。此文顯三慧具四種。修不可以譬類得知。為無量不可數知。為無數百億為一俱佉。非一俱股。故言千亦非一千。故言百非百歲數。故言劫非小劫。故言大。此即明長時修。數數修習。即顯無間恭敬無餘三修。上斯等論藏所明四修。雖為聖道修。

行相貌。而淨教中。其業亦要。故今師等隨義轉用。如禮讚云。菩薩已免生死。所作善法。迴求佛果。即是自利。教化眾生。盡未來際。即是利他。然今時眾生。悉為煩惱繫縛。未免惡道生死等苦。隨緣起行。一切善根。具速迴願。往生阿彌陀佛國。到彼國已。更無所畏。如上四修。自然任運。自利利他。無不具足。上。

善道。往生禮讚云。又勸行四修等事。

畢命為期。誓不中止者。論期佛果。故言無數。今。

期往生。故言畢命。但要決約遠果。故言乃至菩提。終無退轉也。問淨土頓教。或一七日。或一十念。皆得往生。何云畢命。答群疑論云。念佛衆生。聞淨土教。有早有晚。發心之時。有遲有速。或命有長短。故經說不同。若臨終之日。方逢善友。教發心念佛。亦得往生。乃如其壽命遐長。多日不天。還教盡其壽命。令稱佛名。不可命促斯頃。令其長時念佛。不可壽終百歲。只令一日稱名。故三本經文。俱勸念佛。各隨一義。教念有殊。彼此

不妨。義無乖返。故觀經對臨終之者。極小一念佛。十念亦得往生淨土。阿彌陀經對經日死久。能念佛亦生淨土。無量壽經對長壽不死之者。長修功德最多。或長時長日。修念佛。又斯三別。即三品修。上者說一形。中者說日。下者說時。於九品中。各有多種。故雖並往生。咸無苦惱。華開悟道。早晚不同。經說有殊。由斯意也。上。要集云。問若必畢命為期者。如何。咸和尚云。長時短時多修少修。皆得往生耶。答業類非一。故二師俱無

過然畢命為期。勤脩無怠。令業決定。是為張本。
 上疏四云。上盡一形。下至一日一時。或從一念
 十念。至一時一日一夜。大意者。一發心已後。誓
 畢此生。無有退轉。唯以淨土為期。安樂集云。
 問曰。無量壽大經云。十方衆生。至心信樂。欲生
 我國。乃至十念。若不生者。不取正覺。今有世人。
 聞此聖教。現在一形。不作意。擬臨終時。方欲修
 念。是事云何。答曰。此事不類。何者。經云。十念相
 續。似若不難。然諸凡夫。心如野馬。識劇猿猴。馳

騁六塵。何曾停息。各須宜發信心。預自剋念。使
 積習成性。善根堅固也。如佛告大王。人積善行。
 死無惡念。如樹先傾。倒必隨曲也。若刀風一至。
 百苦湊身。若習先不在。懷念何可弁。群疑論
 五云。問曰。若念阿彌陀佛。得生西方。要假多日
 多年。生淨土。亦須懃懃勉勵。長時稱念佛名。如
 其臨死。至誠念佛。亦生淨土者。且人生百歲。樂
 少憂多。別易會難。歎娛時促。但須馳騁五欲。放
 縱六情。秉燭夜遊。連宵聚興。臨終之日。念佛一

聲。即得往生。求超衆苦。何須長時苦行。慙慙。四
 修不倦。三業靡空。同是得越。波波。何勞長時苦
 行也。釋曰。此有數意。不可預聞淨教。棄而不修。
 待至終時。方當念佛。一即汝欲願生淨佛國土。
 推欲避此苦惱。生彼西方。不求無上菩提。不行
 菩薩之行。但欲縱情寶樹。恣意珍臺。不願悟無
 生。就斯垂終。一念若為志求佛果。證三菩提。愍
 諸有情。速證正覺。於此穢土。恐退菩提。就彼淨
 土。方增修妙行。登不退位。救苦衆生。方欲無間

長時具修。万行何為。今聞淨法。不昔修行。更事
 矯奢。廣行放逸。垂臨終日。念佛生耶。若欲至求
 無上。大果發菩提心。願生淨土。所恨流浪生死。
 無始沈淪。聞說西方淨土教法。即須身毛皆豎。
 猶如。拔出血淚。雨淚恨聞。此教法。晚至今生。即須
 晝夜精勤。一心匪懈。寧得聞佛淨教。更縱六情。
 繫日連宵。造十惡罪。推至終日。方念佛名。無慚
 愧言。豈成道理。又若垂終。念佛長時。稱名。功行
 不殊。悟道無別。可須任汝斯言。推至在後。如其

念增念と増道功不唐捐業轉微福德漸勝
成其上輩速悟無生利益不同豈得唯修一念
且鹿衣妙服好食細食一種蓋形並除飢渴尔
即去斯弊服著彼羅紈不食穢食欲求美膳况
念佛多少功行不同便即棄彼長時修就斯促
念貪好衣食曾無此言聞修淨行捨長就短是
汝煩惱無慚愧言魔語鬼語壞亂佛法實無一
念願生之心見他長時專誠苦行故為斯語壞
他淨意自損損他深須覺察又汝今時聞說淨

法內無苦惱外具善緣不肯修行待終念佛臨
終念佛雖亦得生然此輩人万不一往或善友
邂逅未必相逢或眾苦纏身不遑念佛或偏風
不語不得稱名或狂亂失心豈能注想或忽逢
水火不暇至誠或輒遇孤狼以此天命或逢值
惡友壞尔信心或飲酒過差昏眠致殞或軍陳
鬪戰奄尔命終或迴墜高巖難修正行眾多障
難卒迷難周無得一向不修就茲五欲但言終
日一念即生宜應發精進心除懈怠想勵茲三

業策彼六時晝夜精勤學與時競一生淨土求
離蓋纏乃至菩提常無退轉利益弘廣宜須用
心上不雜餘業者無餘修名唯修正行不雜雜
行故云不雜餘業故要決云專求極樂禮念彌
陀但諸餘業行不令雜起上既對念佛行云諸
餘業行故知餘業即是雜行問要集引兩師無
餘修已云寶積經說樂於作業營於眾務云世
業眾務名諸余業何言雜行答余業言正在雜
行世業亦障專修行故顯其意耳况寶積經亦

見造塔等事善云眾務耶云無間修者即有二
義一不間雜行二不間煩惱故名無間修問無
餘修中已嫌餘業何重嫌之耶答彼此餘業雖
同雜行所望別故不成繁重謂無餘修為嫌雜
起心專令修正行誠諸餘業如彼盧山嫌謝靈
運有雜起心也無間修下為嫌懈怠心令精勤
修習誠諸餘業若雜余業正行間斷生懈怠故
也隨犯隨懺者心地觀經云或有一類凡夫僧
戒品不全生正見讚詠一乘微妙法隨犯隨懺

障銷除為諸眾生成佛因如是凡夫亦猶寶如
 鬱金華雖萎悴猶勝一切諸凡夫正見比丘亦
 如是四種輪王所不及上。不隔念等者前念犯
 後念懺中無餘念是名不隔念若一時中犯罪
 時懺不迄一時是名不隔時不隔日義准時應
 知問何故念約一念成不隔義時日不尔耶答
 念是短促善惡異故犯懺前後定應二念時日
 延長一時日中應有犯懺故雖同名不隔念等
 其義異耳或如念於兩時兩日應名無間也問

夫懺悔者悔已不作而今世人等自於罪躰雖
 有悔心とと弱故數犯罪業為是亦懺悔否答
 下根行者雖造罪難止而信因果深恐惡業一
 心念佛亦是懺悔也但於罪業若起惡無過之
 心者雖悔不滅若所逼貪嗔犯惡業者用懺悔
 時罪業可滅也有聖教誠證莫起邪見矣瑜伽
 論云若欲斷彼生起意樂發勤精進煩惱熾盛
 弊抑其心起嗔蓋等無所違犯上。法界所流者
 言法界者即是真如梁攝論十釋十真如中第

三地所流真如云於三地由勝流義釋曰真如於一切法中最勝由緣真如起無分別智無分別智是真如所流斯智於諸智中最勝因斯智流出分別後得所生大悲此大悲於一切法中最勝因此大悲如來欲安立正法救濟眾生說大乘十二部經此法是大悲所流上

第十化佛讚嘆篇問一切往生必感化讚耶若皆感者如下下品但見金蓮何有讚嘆亦下中品雖說化佛不明讚嘆中品下生佛讚俱無若

不感者大悲迎接平等無偏無佛讚者豈稱悲願乎答來迎必自由本願故佛讚不由機別故又既有來迎必應聞讚文無者略也問上中上下中中餘行亦有化讚何云唯讚歎念佛耶答非言化讚不通餘行今下上品聞經稱佛二行相並而於其中依願非願之差論讚不讚之異而已

觀無量壽經云或有眾生等事

多造衆惡無有慚愧者十惡輕罪名為衆惡言

慚愧者耻自名慚耻他名愧又天見隱罪耻天
 為慚人見顯罪耻人為愧又依自法力崇重賢
 善羞耻過罪對治無慚耻諸惡行是為慚也依
 世間力輕拒暴惡羞耻過罪對治無愧息諸惡
 業是為愧也與此相違名無慚愧十二部經首
 題各字者一者修多羅或云修如路或云蘇怛
 纜此則梵音隨方不同翻名亦多且舉一二在
 三經中翻云法本如來言教諸法本故如大般
 若翻云契經契當深理貫諸法故此有二種一

者摠相涅槃經云始從如是終至奉行皆修多
 羅大小乘教二者別相雜集論云長行略說所
 應說義餘十一部二者祇夜此云重誦新云應
 頌或云一由長行說未盡故二為後來更頌故
 也此有四五六七等偈頌不同者二者和伽羅
 那或云婆伽那或云毗伽羅那此云授記新云
 記前斯有種種五道三乘授記異故然授記法
 佛現微笑從其面門放五色光遇斯光者惡趣
 安樂根闕具足欲天馱樂色天馱禪光照十方

遍作佛事。還繞三匝。從佛足下入。記地獄相。臍入記畜生。臍入記鬼。臍入記人。臍入記天。口入記聲聞。肩間入緣覺。頂入是授菩薩無上菩提。記相光現斯相。然後阿難等諸弟子發問。如來。余時授記。或云。一記弟子生死因果。二記菩薩當成佛。故四者伽陀。斯云。不誦偈經。新云。誦誦謂孤起偈。一為易誦持。故。二為樂偈者。故。五者優陀那。此云。無問自說。新直云。自說。一為令知而請法。故。二為令所化生。慇重。故。念佛慈悲為

不請友。譬如嬰兒。不言飲乳。母悲心重。自銜乳汁。六者尼陀那。法華等經。翻為因緣。謂諸佛語本因緣。故。仁王等經。翻為戒經。依犯因緣。一一割故。亦云緣起。一因請方說。為重法。故。二因事方說。知本未。故。七者阿婆陀那。此云譬喻。一為深智。令解真。故。二為淺識。舉扇動樹。而教風月。故。八者伊帝。白多伽。或云。一白多伽。法華經等。翻為本事。智度論中。為如是語。此經則說弟子本事。如佛說偈。不寐夜長。疲極道長。愚生死長。

莫知正道如是等也。然准涅槃第十四卷此部
四佛名號改易鳩留孫佛名甘露鼓拘那含佛
號曰法鏡迎葉如來稱分別空釋迦如來稱本
事經或云一說佛往昔事二說弟子往事九者
闍陀伽此翻本生說佛本生種種事故如昔為
師子受猕猴寄以爪鬪腸肉報鷲飢又於疾病
世變作蘇摩由以肉遍布施療諸有疾者如是
等類其事非一或云本生經謂說昔受身一說
如來二說餘者也問本事本生有何差別答說

昔作事名爲本事語昔受生以爲本生然九品
義本事限弟子本生在如來圓覺疏通如來餘
者而成其義十者毗佛略此云方廣爲諸菩薩
速證菩提故如來所說大乘經通名其理無二
故名爲方一切包留故名爲廣涅槃經云所謂
大乘方等經典其義廣大猶如虛空是名毗佛
略經或云一廣大利樂二廣陳正法十一者阿
浮陀達摩此翻希法或未曾有如佛示現希奇
事時衆皆起未曾有想因此爲名涅槃經云如

彼菩薩初出生時無人扶持則行七步放大光明遍照十方亦如猕猴手捧罽器以獻如來如白頂狗佛邊聽法如魔彼旬返為青牛行尾鉢間令諸為鉢互相槩觸無所傷損如佛初生入天廟時令彼天像起下禮敬如是等經名未曾有或云一廣德業殊異故二法身希奇故十二者優婆提舍斯云論議涅槃經云如佛世尊所說諸經若作義論分別廣說并其相貌是名優婆提舍經或云一以理深廣故論二以義不了故

論已上翻名釋義多依九品義意每十二部各具二義出圓覺疏大師所判約斯十二部一聲十二相對問答滅罪多小不同故也白蓮記云十二部者通名大乘經典或法華或光明或華嚴及今經首題等並得言經題已上九品義云首題名字者則修多羅乃至論義又釋首題名字者諸大乘經首題之名也如言華嚴妙法華等乃斯等經中具十二部經所詮之理極最勝故一聞首題滅罪生善能盡輪迴業速生極樂世界上已

△私云聞經之善等事

答曰造罪之人等者唯讚佛名即有三義一心散
 攝二聞稱異三願有無斯經疏中於當文下釋
 前二義至化讚文解第三義細尋可了又九品
 義云問曰經是佛師德豈劣乎何故聞經唯滅
 千劫罪稱佛名除五十億劫答曰只聞經而不
 口稱故唯除千劫罪今非唯聞名兼亦口稱故
 除多劫罪非是佛與經功能有勝劣又釋阿彌
 陀佛由昔因位大願力故今稱名者滅多劫罪

十二部經三世常住非如彼佛有因果位故不
 同也又釋十二部名散動心時聞餘心間雜故
 唯除千劫罪阿彌陀佛名以最後心稱餘心不
 隔故滅五十億劫是因心而致不同也非境之
 有勝劣矣上私謂斯釋妙符大師釋義但次第
 異今之第一釋即疏第二義今第二釋即疏第
 三義今之第三釋即疏第一義也此中願力義
 留心而思之問若云佛名文言約故攝散住心
 者諸佛名號及神咒中即有少百六字之者彼

等念力恐勝今念。答惣而言之。言多心散。言少
心攝。理數必然。但稱佛功優。既有三義。設具一
義。餘義若闕。不足為優。故就簡略。行亦論願有
無。則無願為劣。有願為勝也。臨終之時。百苦湊
身。大悲本願。仰而亦可仰耳。

△第十一約對雜善讚嘆念佛篇

觀無量壽經云。若念佛者等事。

分陞利華者。法驗記云。此云白蓮華。華中寂勝
妙色顯衆色之本。為世崇重。若念佛衆生。為世

所貴。故舉斯為喻。龍興知札等師同云。白蓮華。大日經疏五云。

分荼利華。華可有百葉。許葉々相承。圓整最可
愛。外葉極白。內色漸微黃。乃至最在內者。葉色
相近也。此華極香也。昔瑠璃王害釋女時。太迦
葉於阿耨達池。取此華。畀八功德水灑之。諸女
身心得安樂。命終生天。因是投華於池。遂成種。
至今猶有之。華大可愛。徑一尺餘。尤可愛也。此
法華所引申者。是漫荼羅八葉者也。已。問若言
白蓮者。正觀記云。涅槃云。水中華分陞利華第

一上。而三十六經云水中華。青蓮華第一。智度論云。陸地生華。須摩那提第一。水中生華。青蓮華第一。上依經論推記文。分陀利華。應是青蓮。若聖教相違。不須和會。法華玄七云。睿師序云。未敷名。屬摩羅。將落名。迦摩羅。處中盛時名。分陀利伽。速師云。分陀利迦。是蓮華開發時。喻然。躰遂時。遷名。隨色變。故有二名也。大經亦云。人中蓮華。分陀利華。二名並題者。應有通別之異。今取蓮華。是通。分陀利。是別稱。道朗云。鮮白色。

或翻為赤。或翻為最香。開盛之義。奉分陀利。則兼之矣。同云。分陀利。此翻蓮華。上。此華相傳名。祭華者。言祭華者。即是蓮華。但祭華名。振古未決。近比有儒者。勘得此義。謂論語之公冶長篇。註云。祭。國君之守龜。出祭地。因以為名焉。云。斯文。祭者。靈龜之號也。出祭地。史記龜策傳云。龜千歲乃遊蓮華之上。云。斯文。蓮華者。祭所遊之華也。千歲龜。即是靈龜。故也。以史記文思。今解釋。祭華者。當于蓮華也。當坐道場。生諸佛家者。

道場有二。一應化道場。謂中印度摩訶陀國菩提樹下金剛座上。是名道場。一切菩薩將登正覺。皆坐斯座上。起金剛喻定也。二真實道場。謂機根熟。不簡時處。內證佛果。天上天下。山林河海。莫非道場。是以八歲龍女。悟即身於海底之風。四果鶖子。顯得忍於耆崛之月。即其類也。又淨影云。隨化以論菩提樹下得道之處。名為道場。處斯得佛。故名為坐。據實以論。義有通局。通則菩薩一切行德。能生佛果。此名道場。如維摩

說局。則末後金剛三昧親生佛德。名為道場。依之得果。義說為坐。上問往生已後。方成佛果。若余應云。生諸佛家。當坐道場。答。大乘本意在期佛果。是故先明當坐道場。知所期已。應求徑路。是故次說生諸佛家。謂怯弱機不生淨土。設經沙劫。佛果難證。若生淨土。修行任運。無上佛果。豈為賒耶。實非雜善等者。言雜善者是雜行也。問下文云。上來雖說定散兩門之益。望佛本願意。在衆生一向專稱。彌陀佛名。今亦應云。超絕

定散。答。往生業有三重。一者念佛。二者四種正行。三者雜行。其中念佛最勝。雜行最劣。四種正行。從容不定。且對寂劣。嘆其勝行。再往論之。應云念佛超絕定散。復次經文。初勸觀佛。後嘆念佛。故今准上下文勢。且除定善。復次經流通中。即有其三。一流通定善。一流通念佛。三付屬念佛。前二勸持。後一付屬於勸持中。即有其二。一則流通十三定善。一則應勸九品諸行。雖然從勝。唯勸念佛雜行劣故。不別流通。其實隨機可。

勸九品為顯斯意。不論定善散善。唯對雜業。歎念佛也。

△私問曰經云等事

好人者是待惡者。問設對念佛。雜善非惡。何言惡人。答。今好惡者。即勝劣義。謂修雜行利益劣。故是名為惡。非謂惡業。餘准知之。能除滅逆罪。所不堪餘行者。問餘行滅逆。文證是多。答。非謂餘行都無滅逆。今所論者。五逆罪人。臨命終時。起與果用。依十念功。滅罪得生。以此為規。餘行。

不尔是則任經現文判此義也故慧心云極重
 惡人無他方便唯稱弥陀得生極樂全與今同
 無明涘源等者無明迷本亦是沉隱為二惑本
 譬如派流出自淵源中道心躰亦是深理為空
 假本譬如皮肉起自腑藏間例證意何各空假
 二觀但斷二惑見思塵沙如定散二善但化善機中
 道正觀斷無明惑如念佛行獨化惡人木波羅
 蜜經五藏者前三小乘後二大乘前四顯教後
 一密教若彼有情不能受持等者舉無解機或

復有情造諸惡業等者舉無行機故超悟疏云
 無解無行四重八重等者男立四重女立八重
 四重者淫盜殺妄八重者四重如前五摩觸六
 八事私云律名句云一提手二披衣三入屏處
 四共立五共語六共行七身相倚八共期
 七覆尼八隨舉苾芻超悟疏文五逆者或單五逆或
 複五逆具出聖教闡提等者超悟疏云不信因
 果名一闡提不信大乘名謗方等已上念佛三昧是
 如摠持亦如醍醐者真言念佛雖同滅逆若約機
 根非無差別所謂真言化上根者以菩提心論

云若有上根上智之人。不樂外道二乘法。有木
度量勇銳無惑者。宜修佛乘。故念佛攝下機者。以
十住毗婆沙論云。為大人志。驕者。說難行道法。
為怯弱下劣人。說易行道法。故二論同是龍樹
所造。仰訪深意。難易分明。傳聞後。禪林寺云。念
佛出離易於真言。云云。意在於此。抑此人者。五相
棟梁。三密金玉。南天之遺教。東土之秘法。何法不
傳。何教不受。然而歸。選擇集入淨土門。且閣本
業偏行念佛。彼所說不可不信。念佛三昧重罪。

尚滅等者。智度論云。問曰。如菩薩三昧。種種無量
何以故。讚是念佛三昧。常現在前。答曰。是菩薩
念佛。故得入佛道中。以是故。念佛常現在前。復
次念佛三昧。能除種種煩惱。及先世罪。餘諸三
昧。有能除淫。不能除嗔。有能除嗔。不能除淫。有
能除癡。不能除淫。有能除三毒。不能除先世罪。
是念佛三昧。除種種煩惱。種種罪。上五逆迴心
通上上者。若命延日。積運心。手闌者。設雖逆
者。可生上上。念數多故。今言通者。非必取十念數。

經置下品。臨終迴心。時短促故。又五逆十念。直
可生上上。心有強弱故。夫善之與惡。苦樂在心。
昇之與沈。淨穢由佛。佛願叵測。佛力絕思。是故
五逆猶坐金剛臺也。明破闇時。何闇留室。十念
亦昇上品。蓮也。風拂雲時。何雲殘天。則知上上
信心。若起上上。佛刹何隔。故飛錫寶王論中云。
問。一念十念往生淨土。何者為正。對曰。但一念
往生。住不退地。斯為正也。乃又大無量壽經明
一念念佛皆得往生。觀經十念。良有以也。蓋為遭

疾羸力微。心劣。故須十稱弥陀。以助其念。若心
盛不昧。一念生焉。凡一一行。各通九品者。無
量壽經三輩之中。各明念佛及菩提心。是其證
也。斯之二行。既通三輩。餘讀誦等。亦通九品。讀
誦妙行。機有九品。經顯上上。隱餘八品。解第一
義機。有九品。經顯上中。隱餘八品。發菩提心。機
有九品。經顯上下。隱餘八品。畫形持戒。機有九
品。經顯中上。隱餘八品。一日持戒。機有九品。經
顯中中。隱餘八品。世善往生。機有九品。經顯中

下隱余八品。一聲稱佛機有九品。經顯下上隱
余八品。一念佛名機有九品。經顯下中隱餘八
品。十聲念佛機有九品。經顯下上隱餘八品。如
斯。一品具有九行。九品合論。九々八十一品也。問餘
行通下品者。讀誦等行。化輕次重罪耶。答。今經
意者。唯明念佛治重罪者。故爲極惡最下之機。
方說極善最上之法。而顯念佛之功能。若據斯
意。上六品行。生下品者。只是善人。其機最劣。生
下三品。非如念佛化重罪者也。問下三品行。俱

是念佛。非念多少。何分九品。答。念佛淺深。有二
種義。一依心淺深。二依念多少。故今一聲十念
各通九品。依心淺深故也。問中上中中。若以盡
形。下日爲異。何故疏云。然修戒時。終身一年。一
月。一日。一時等耶。中上。下品。有一日戒。與中中
品。有何差別。答。經文且約盡形。下日爲兩品異。
釋家亦准。上上品時云。一形一時也。若約同時。
而判品位。更依受戒用心緩急。可有兩品別也。
一切無有覩見佛者。問念佛餘行。俱得生者。得

生已後念念增進證入上位縱雖餘行何見入滅。答經有誠言唯可仰信。又念佛餘行付初生者而論之也。謂佛滅後二大菩薩接引十方二行機俱能得往生念佛眾生尚見不滅度餘行者者見入滅也。若餘行機在世時生增進上位不可見滅。故今文云般涅槃時觀音勢至接引十方唯有一向專念阿彌陀佛往生者常見彌陀現在不滅。此乃付滅度後生機論之而已。又是如來念佛勸化之巧言也。又恐緡公稱名勸

進之辭而已。又有一義集上云問曰如來報身常住云何觀音授記經云阿彌陀佛入涅槃後觀世音菩薩次補佛處也。答曰此是報身示現隱沒相非實滅度也。彼經云阿彌陀佛入涅槃後復有深厚善根眾生還見如故。即其證也。又實性論云報身有五種相說法及可見諸業不休息及休息隱沒示現不實躰。即其證也。上所

言休息隱沒者機進上位能化教主隱前劣身現後勝身。恐當前佛入滅後佛成道之文。若余

縱至地上見隱沒相有何妨哉爰知隱前劣身
云彌陀入滅現後勝身云觀音成道次問若尔
不見前劣身感見後勝身還成餘行得何屬其
失哉者不然為念佛人彌陀一佛數現勝身地
地施化蓋勝於見入滅之機常見彌陀不見彌
陀豈非得失問休息隱沒者一佛示現亦非長
劫故心地觀經云為化十地諸菩薩一佛現於
十種身至前佛入滅後佛成道不同化佛經劫現
上已然按記經別佛相經三佛中間各經多劫豈

不相違者此事實難但試會之凡論此義有其
四種一者常住報身為一機緣雖現入滅或不
經時二者或經多劫經三者一佛多佛現滅
成道經四者別佛相繼經機宜不同聖應非一
聖應雖異皆約報身但不同化佛經劫現者若
論化身過百三十劫今乃得一見一百八十劫
空過無有佛設賢劫中第九第十十五二十等
劫之中千佛雖現自餘劫中都無佛出第九劫
中四佛出世猶逢六四二方一百等時第十五

劫九百餘佛。雖數出世。八相間隔。必定多時。報身不然。或不經時。或經多時。經劫不定。故云不同。又雖為一機。現滅經劫。猶為一類。不息化者。皆報身相。非如化身。機緣新盡。求歸滅度。又二佛中間。更無法滅。不同化佛滅度之後。必有法滅。又化身必具生天等相。報身不然。不同并一次。一佛現於十種身者。是常途說。別佛相繼。亦是一途。是以同經云。能化所化。隨地增。各隨本緣。為所屬。或一菩薩多佛化。或多菩薩一佛化。

上又集上云。今此無量壽國。即是從真垂報國也。何以得知。依觀音授記經云。未來觀音成佛。替阿彌陀佛處。故知是報也。上問此文。不明觀音補處。既是化身儀式。而非報身。何還引之。為報身證。答教時義云。見道以前。大悲薰煮。為因。為十地菩薩。現他受用身。初地見佛坐百葉華。即可百大千界。且彌陀佛初地所見。二地所見佛坐千葉華。乃至十地所見。轉大。此他受用。隨有父母。不先處天方。下成佛。鼓音王經。彌陀父

名月上母名殊勝妙顏觀音投記經說彌陀滅
後觀音七寶菩提樹下成等正覺勝彌陀國百
千萬億斯佛滅後大勢至成佛十地發先熟故
化彼即身成佛不說先住何處後來補處即以
此身就座成佛是他受用身生因所生成就之
相上以斯解知有生天相是化成道即身成覺
是報身相一得斯解即散朦昧又慈恩佛土章
中引觀音補處文屬他受用成道又大阿彌陀
經說三佛成道之儀凡三經所說淨土皆是本

願所成淨土異譯大經何非報耶問若以記經
入滅合前佛入滅後佛成道之文者彌以有疑
彌陀住世兆載末劫縱雖餘行人可進上地若
云進者速可感見觀音成道何二佛中間送多
劫耶答集文既以記經入滅合隱沒相隱沒相
者摠判報佛化儀故合心經泛說他受用之文
而料簡之三佛相繼之化儀者妙符心經或一
菩薩多佛化之文但至時節長久難者斯義難
通恐是教門之權說故是故大阿彌陀經中雖

說三佛相繼之義不說時節長遠之旨須依斯
文而會記經長遠之說例如法華雖說生滅度
相之羅漢於彼土迴心而不說經劫涅槃經明
五果迴心經八六等然如天台會經劫說云經
存教道被鈍根者逼令現發上已而判屬於教逼
之言今亦如是長遠之說且存教道為捨餘行
今修念佛設一途說若論實義三佛感見機緣
頓熟佛各各不待時而成等正覺之々可應地
々機緣而已回佛中間何者說法答經云彼佛

滅後一切寶物浴池蓮華眾寶行樹常演法音
與佛無異上已問二佛中間生彼土機預誰來迎
答集云唯有觀音勢至住持安樂接引十方上已
選擇傳弘決疑鈔卷第四終



